

公司據原呈請限五年經農工商部奏請一律暫免在各該公司亦知稅課關係正供特以開辦之初不能不減輕成本以資提倡此次稅務處會同度支部陸軍部奏請略示限制實因免稅之案過多於顧全路政之中略寓維持稅務之意其嚴防夾帶影射諸弊亦係欽遵上年五月二十七日諭旨辦理臣等公同查核合同免稅及有關係涉各案業經稅務處奏明照舊辦理在前此次原奏所列各案略示限制尚無妨礙應請仍照稅務處度支部陸軍部原奏所請所有江蘇等五省鐵路粵漢鐵路京張鐵路揚子江公司粵湘川鄂四省鐵路機器廠新甯鐵路川省漢鐵路材料黑龍江鐵路潮汕鐵路江甯汽車公司粵漢川漢鄂境鐵路材料京師自來水呢革公司等請自各該案奏准之日起予限三年暫准免稅俟限滿再行稽徵嗣後添設鐵路無論官辦商辦均請照官物徵稅原案一律完稅並飭各海關於免稅各案報運物料時查明確係鐵路所需機器材料方准報免其工人食用等物仍當按

法令二

稅務處奏湘省粵漢鐵路機器材料併請免稅三年摺

一百二十九

戊申

則科稅以嚴防夾帶影射諸弊至此次予限三年將來或因路線過長工程艱鉅屆期仍由臣等體察情形再行奏明辦理再臣等正在查核間准督辦津浦鐵路大臣附奏津浦鐵路鋼軌等項免稅一片光緒三十四年六月初十日奉旨該衙門知道欽此欽遵由郵傳部鈔奏咨會前來查津浦鐵路借款合同雖未載明免稅惟既據該督辦大臣援案請免擬請照江蘇等五省鐵路等案辦法准其免稅三年以歸一律所有臣等公同查明免稅各案緣由謹合詞恭摺具陳伏乞 皇太后 皇上聖鑒再此摺係稅務處主稿會同外務部度支部郵傳部辦理合併聲明 奏光緒三十四年七月十六日奉旨依議欽此

稅務處奏湘省粵漢鐵路機器材料併請免稅三年摺

奏為湘省粵漢鐵路機器材料併請免稅三年以歸一律恭摺仰祈 聖鑒事竊臣處由內閣鈔出湖南巡撫岑春蓂附奏湘省粵漢鐵路機器材料擬懇援案暫行免稅一

法令二 民政部通咨違警律施行辦法文

一百三十

十一月

片光緒三十四年七月十二日奉 硃批該衙門知道欽此欽遵臣處伏查粵漢鐵路前經奏明暫行免稅又鄂境粵漢鐵路亦經援案請免在案此次該撫請將湘省粵漢鐵路機器材料援案暫行免稅查與粵鄂兩省事同一律自應准其援案免稅以惠路工惟粵漢等路現經臣處會同外務部度支部郵傳部奏請免稅三年以示限制該湘省粵漢鐵路機器材料應請照案辦理俾歸一律所有湘省粵漢鐵路併請免稅三年緣由理合恭摺具陳伏乞 皇太后 皇上聖鑒謹 奏光緒三十四年七月十六日奉 旨依議欽此

民政部通咨違警律施行辦法文

為咨行事查本年四月初十日憲政編查館核定本部違警律具奏奉 旨依議欽此欽遵通行在案查本律條理細密解釋稍歧即滋貽誤現經本部提議各條擬定施行辦法咨行各省以備參考此後各省如於本律遇有疑義須隨時咨明本部以本部解釋所定者為準庶免紛歧除

札飭兩廳暨分咨外相應鈔單咨行貴 查照辦理可也 須至咨者

違警律施行辦法 一不服違警之判斷應否准其呈控於審判衙門或其他地方官衙門 查此項尚待詳細核議在未經議定辦法以前應暫時作為行政處分不准再向審判衙門或其他地方官衙門呈控 一第二條不得比附援引應否准用類推解釋 查比附援引與類推解釋名異實同故凡本律所不載者不得率以類推解釋定罪即如本律第二十五條第九款所載房屋屋勢將傾圮由官督催延宕不修一節房屋屋宇樣界限極明不能類推之於將倒樹木然此等情形巡警人員固有諭告本主命其防止或除去之權惟無科以違警罪之權而已至類推解釋與當然解釋又自有別例如第十七條僅載為人所迫則用當然解釋為天災所迫自包其內此則法理上所許者也 一第三條所定罰例應否俱從以上本數起科 查違警律通行伊始人民固未周知官吏亦尚未習練自